

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomi eta Lurralde Garapena Sustatzeko Saila**

**Bizkaiko Foru Aldundiaren 191/2018 FORU DEKRETUA, abenduaren 26koa. Honen bidez, Bizkaia Sortzailea Programaren oinarri arautzaileak eta deialdia onartzen dira 2019. urterako.**

Bizkaiko Foru Aldundiko Ekonomi eta Lurralde Garapena Sustatzeko Sailaren xedea Bizkaian aberastasuna eta kalitatezko enplegua sortzen laguntzea da, Bizkaiko enpresen artean lehiakortasun iraunkorra eta nazioartekotzea sustatuz eta, aldi berean, gure lurraldearen garapen orekatua erraztuz. Estrategia integral bat jarri da martxan horretarako, bost jarduketara ardatz hauetan oinarritua: kanporako proiektzioa, ekintzaitza, industria eta lehiakortasuna, talentua, eta lurraldeen arteko oreka.

Egungo enpresen lehiakortasuna eta enpresa berrien sustapena funtsezko osagaiak dira Bizkaiko ekonomiak egun dituen erronkei aurre egin ahal izateko, batez ere lana sortzeari eta lanari eusteari begiratzen badiegu.

Garrantzizko industria-ehun bati eutsiz, hazkundean oinarritutako ekonomiarantz bideratutako eraldaketa sakon bat izan du Bizkaiko ekonomiak azken hamarkadetan, sektore finkoa du zerbitzu aurreratuetan, eta, aldi berean, apustua egin du goraka doazen etorkizun oparoko sektoreetan dibertsifikatutako ekonomia baten alde.

Bizkaian enpleguaren sorrera eta industria- eta enpresa-sarea sustatzeko xedearekin eta, beraz, aurrerapen ekonomiko eta soziala lortzeko xedearekin, Bizkaiko Foru Aldundiak laguntza ematen die lurralde horretan garatzen diren eta helburu horiek dituzten programei.

Ekonomi eta Lurralde Garapena Sustatzeko Sailak enpresa berriak eta, batez ere, izaeraz sortzaileen diren enpresak sustatzeko duen konpromisoa funtsezko tresna da Bizkaian aberastasuna eta enplegua sortzeko, eta konpromiso hori argi eta garbi azaltzen da Bizkaia Sortzailea Programa honetan. Era berean, enpresa sortzaileen sorkuntzarekin batera, funtsezkoa da, Bizkaia-aren garapen ekonomiko eta sozialerako, enpresen hazkundea bizkortzeko laguntza ematea, jada dauden enpresetan jarduera ekonomikoa sortuz.

Gure lurraldeen garapena eta hazkundea ahalbidetuko duen enpresa-ehun dinamikoa, sortzaile, berritzaile eta iraunkorra izatearren, Bizkaiko Foru Aldundiak sendotu egiten du enpresa-proiektu berriak garatzearen alde egiten duten enpresa eta pertsonekin duen konpromisoa.

Bilbao-Bizkaia bikote erakargarriak hazkunderari, berrikuntzari eta sorkuntzari lotutako enpresak garatzeko giro egokia sortu du, kalitatezko enplegu berriak lortu dituzten eta garatzeko ahalmen handia duten enpresak, hain zuzen ere.

Industria sortzaileek gero eta garrantzia handiagoa dute hazkundean oinarritutako ekonomia postindustrialean, eta Europako herrialde batzuetan BPGren %10 dira eta Europar Batasuneko ekonomia osoa baino askoz azkarragoa hazten ari dira.

Hori dela eta, Ekonomi eta Lurralde Garapena Sustatzeko Sailak Bizkaian ekonomia sortzaileak sustatzeko programa zehatz bat garatu behar dela uste du, 2019ko ekitaldian, Bizkaia Sortzailea izenekoa, hain zuzen ere.

Enpresa sortzaileak sortzeko laguntza emateko jardueri dagokienez, Ekonomi eta Lurralde Garapena Sustatzeko Sailak egindako ahalegina indartu egiten da Beaz, S.A.U., Seed Capital de Bizkaia, S.A., eta Seed Capital Bizkaia Mikro, S.A., sozietate publikoek sustatutako jardueri esker.

Aurrerapen ekonomikoa eta soziala lortzeko, Bizkaiko Foru Aldundiak ezinbestekotzat jotzen du emakume eta gizonen benetako berdintasuna lortzeko aurrerapausoak ematea, eta, bide horretan, hainbat urte daramatza berdintasunaren arloan lanean. Bizkaiko Emakumeen eta Gizonen Arteko Berdintasunerako V. Foru Planean 2016-2019 eperako diseinatutako estrategiak eta jarduketak biltzen dira, arlo horretan sortzen diren erronkei erantzun ahal izateko.



Gainera, Bizkaiko Foru Aldundiak Bizkaiko Emakumeen eta Gizonen berdintasunerako Foru Planaren esparruan berdintasunerako politikak ezartzeko hartu duen konpromisoarekin bat, eta genero-ikuspegia Bizkaia Sortzailea Programan sartzeko, foru dekretu honetan genero-ikuspegia jasotzen da, bai hura prestatzeko orduan bai haren aplikazioan, Emakumeen eta Gizonen Berdintasunerako otsailaren 18ko 4/2005 Legean ezarritakoarekin bat. Gainera, kontuan hartu da Bizkaiko Foru Aldundiaren 2013ko azaroaren 19ko 141/2013 Foru Dekretuan xedatutakoa, zeinaren bidez finkatzen baitira generoaren eraginaren aurretiazko ebaluazioa egiteko jarraibideak, Emakumeen eta Gizonen Berdintasunerako 2005eko otsailaren 18ko 4/2005 Legean ezartzen den moduan. Eta, ildo horretan, «Generoaren eraginaren aurretiazko ebaluazioari buruzko txostena» gehitu da dekretu honen tramitazioan, 141/2013 Foru Dekretuaren 2. artikuluan aipatzen denarekin bat.

Era berean, Emakumeen eta Gizonen Berdintasunerako ekainaren 20ko 4/2018 Foru Araua onetsita, foru dekretu hau egitean kontuan hartu da foru arau horretan ezarritakoa.

Horrez gainera, dekretu honen garapenean gizarte-neurriak ezarri dira, Bizkaiko Foru Aldundiaren otsailaren 27ko 16/2018 Foru Dekretuan ezarritakoa kontuan hartuta. Foru dekretu horren bidez, batetik, Bizkaiko Foru Aldundiaren martxoaren 23ko 34/2010 Foru Dekretuaren bidez onartutako Diru-laguntzen Erregelamendua aldatzen da, Foru Administrazioak emaniko diru-laguntzen araubide juridiko orokorra arautzen duen maiatzaren 31ko 5/2005 Foru Araua garatzen duena; eta, bestetik, Bizkaiko Foru Aldundiaren diru-laguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gida onartzen da.

Halaber, izapidetzean printzipio hauekin bat jarduten da: beharrezkotasuna eta eraginkortasuna, proportzionaltasuna, segurtasun juridikoa, gardentasuna, lastertasuna eta efizientzia, eta kontuak ematea. Izan ere, hala ezartzen du Bizkaiko Foru Aldundiaren urtarrilaren 17ko 2/2017 Foru Dekretuak —haren bidez, Bizkaiko Foru Aldundian xedapen orokorrak egiteko prozedura arautzen da— 3. artikuluan, eta Administrazio Publikoen Administrazio Prozedura Erkidearen urriaren 1eko 39/2015 Legearen 129. artikuluan.

Horrenbezetik, ekonomi eta lurralde garapena sustatzeko foru diputatuak proposatuta eta Bizkaiko Foru Aldundiko Gobernu Kontseiluak 2018ko abenduaren 26ko bileran eztabaidatu eta onetsi ondoren, honako hau

XEDATZEN DUT:

I. TITULUA

## **XEDEA ETA ERADUNDE ONURADUNAK**

### **1. artikulua.— Xedea**

Foru-dekretu honen xedea da 2019. urteko Bizkaia Sortzailea Programaren barruan jasotako diru-laguntzen oinarri arautzaileak eta deialdia onartzea. Laguntza horiek Bizkaiko enpresa sortzaileak laguntzeko sortu dira.

Programa honen bitartez, helburu hauek lortu nahi dira:

1. Lehendik dauden edo sortu berri diren Bizkaiko enpresa sortzaileek dituzten proiektu sortzaile berrien garapena bultzatzea, era horretara Bizkaian enpresa sortzaileen sektore indartsua finka dadin.
2. Nazioarteko ikusgarritasuna duten enpresa-proiektu sortzaileak, sektore horretara talentua erakartzea ahalbidetuko dutenak, garatzea, Bizkaia lurralde eta hiri sortzaileen nazioarteko sareetan jartzeko.
3. Enpresa sortzaileen hazkundera azeleratzea, jarduera ekonomikoa sortuta.
4. Sorkuntza sektoreak sustatu eta finkatzeko interesgarriak diren proiektuen garapena sustatzea.

Beaz, S.A.U., foru sozietate publikoak aholkuak emango dizkie lagundutako entitate sustatzaileei, enpresa-proiektu berritzaileak aztertzen, abian jartzen, finkatzen eta azeleratzen ari direnean.

**2. artikulua. — Erakunde onuradunak**

1. Honako erakunde hauek eskuratu ditzakete diru-laguntzak:

- a) Jarduera nagusia ikus-entzunezkoen, bideojokoan, modaren eta produktuak, prozesuak eta zerbitzuak diseinuaren sektorearen esparruetan garatzen duten enpresa sortzaileak.
- b) Irabazi-asmorik gabeko elkarteak, Bilbao Bizkaia Design Council (BiDC) delakoan identifikaturiko industria sortzaileen sektoreetarikoren bateko enpresak eta/edo profesionalak biltzen dituztenak, zeinen jarduera nagusia ez den ekitaldiak, biltzarrak, azokak, lehiaketak edo halakoak antolatzea, kasu honetan izan ezik: Ekonomi eta Lurralde Garapena Sustatzeko Sailaren beste laguntza-programa batzuen bidez laguntza jaso duten sektoreetakoak.

Honako sektore hauek identifikatzen dira BiDC delakoan industria sortzaileen arloan: arkitektura, artea, artisautza, barne-diseinua, bideo-jokoak diseinua, eduki digitalak, ikus-entzunezkoak, komunikazioa eta moda.

2. Enpresek eta irabazi asmorik gabeko elkarteek baldintza hauek bete beharko dituzte eskabidea aurkezten dutenean:

- a) Sozietatearen helbidea, zerga-helbidea eta ekoizpen-zentro bat Bizkaian izatea.
- b) Legez eratuta egotea merkataritzako sozietate moduan, kooperatiba moduan edo irabazteko asmorik gabeko elkarte moduan. Ez dira onartuko ondasun-erki-degoak edo sozietate zibilak.
- c) Zerga betebeharrak, Gizarte Segurantzarekikoak eta diru-laguntzak itzultzearen ondoriozkoak eguneratuta edukitzea.
- d) Sexuaren ziozko bereizkeria dela-eta zigor edo administrazioaren arloan inoiz zehapenik jaso ez izana.
- e) Foru administrazioak ematen dituen diru-laguntzei buruzko maiatzaren 31ko 5/2005 Foru Arauaren 12. artikulua ezarritako ezein egoeratan sartuta ez egotea.
- f) EJZn alta emanda egotea.

Baldintza guztiak bete behar dira eskabideak aurkezteko epea bukatzen denean, ordainketak egiten diren unea arte mantendu, eta maiatzaren 31ko 5/2005 Foru Arauko 12. artikuluan ezarritakoaren arabera kasu bakoitzerako zehazten diren inguruabarrak gertatzen direnean ere eutsiko zaie (arau horrek Foru Administrazioak ematen dituen diru-laguntzen araubide juridiko orokorra arautzen du) eta baita Diru-laguntzen erregela-mendua onesten duen 34/2010 Foru Dekretuaren 13tik 17ra arteko artikuluek diotenaren arabera.

3. Enpresen kasuan, baldintza hauek ere bete behar dira:

- a) Eskabideak aurkezteko epea bukatzen denean, gutxienez lanaldi lansaiosoko lanpostu bat edukitzea.

Kontratututako pertsoez gain, plantillakotzat joko dira enpresaren jarduerari atxikita dauden baina euren izaeratik Gizarte Segurantzaren Araubide Orokorean alta emanda egon ezin diren langile autonomoak.

Horrenbestez, langile bat enpresaren jarduerari atxikitako langile autonomotzat jotzeko, enpresa horren nomina izan beharko du edo autonomoen ordainagiria enpresak ordaindu beharko dio.

Entitate onuraduna izateko enplegu-baldintza bete behar duenean, langilea Bizkaiko ekoizpen-zentroan egon behar da eta Bizkaian egin beharko du lana.

4. Dekretu honen ondorioetarako, honako definizio hauek hartuko dira kontuan:

- a) *Ikus-entzunezkoak*: multimedia edukiak diseinatu edo ekoiztea.
- b) *Bideojokoak*: multimedia edukiak diseinatu edo ekoiztea.
- c) *Moda*: gutxienez sektoreko balio-katearen diseinu-fasean jardutea.
- d) *Produktuak, prozesuak eta zerbitzuak diseinatzea*: erabiltzailearen beharrezanetan oinarritzen diren eskaera funtzional eta estetikoak kontuan hartzen dituzten



konponbide erabilgarri eta berritzaileen garapena. Plangintza modu estrategikoan egiten da, erabilera-esperientziak eragiten ditu, eta teknologia berrietan oinarritzen da zabalkunde handiagoa izateko eta tresna hobeen osagarri izateko. Ez dira sartzen diseinu grafikoa eta barne-diseinua.

5. Ez dira onuradunak izango:
  - a) Jarduera interfazearen diseinuaren arloan garatzen duten enpresak, hau da, softwareko tresnen diseinu, garapen, dokumentazio eta ezarpenaren arloan dihardutenak.
  - b) Txikizkako merkataritzaren arloan bakarrik diharduten enpresak.
  - c) Jarduera nagusitzat ekitaldiak, kongresuak, azokak, lehiaketak edo antzekoak antolatzea duten irabazi-asmorik gabeko elkarteak.
  - d) Pertsona fisikoak edo enpresaburu indibidualak zuzenbide publikoko erakundeak, ondasun erkidegoak eta sozietate zibilak.

### **3. artikulua. — *Diruz lagundu daitekeen egitatea***

Diru-laguntza jaso dezaketen egitatea:

1. Enpresa sortzailea sortzea.

Enpresa sortzailea da bere jarduera konponbide originalak eta sortzaileak garatzea bideratzen duena. Enpresa horiek sorkuntza, ekoizpena eta merkaturatzea konbinatzen dituzte, elementu estetikoak, sortzaileak eta funtzionalak eskaintzen dituzten produktuak edo zerbitzuak izateko.
2. Lehiakortasuna hobetzeko proiektuak garatzea jada existitzen den enpresa sortzaile batean: negozio sortzaile baterako lerro berri bat, enpresaren jarduketa argiro dibertsifikatzea dakarrena, edo proiektu bat aukera ematen duena produktua/zerbitzuaren estandarizaziorako edo negozioaren eskalabilitaterako.

Proiektu sortzailea da helburu gisa duena elementu estetikoak, sortzaileak eta funtzionalak eskaintzen dituzten produktuak edo zerbitzuak izatea, ekoizpen sistematizatu edota seriatuarekin edota banaketa masiboarekin, konpainiak eskalako ekonomia eredian oinarrituriko negozio-eredua izateko aukera izan dezan.
3. Lehendik zeuden enpresa sortzaileen kasuan, jada garatutako produktu sortzaileak nazioarteko merkatuetan sartzea.
4. Enpresa sortzaileen gaitasun profesionalak, fakturazioa eta/edo enplegua hazteko bide diren proiektuak garatzea; helburuak sorkuntza sektoreen mugak gainditzea, lankidetzat tekniko edo merkataritzakoa sustatzea eta lehiakortasuna handitzea dira.

Ez da diruz laguntzeko egitatetzat joko ekitaldiak, biltzarrak, azokak, lehiaketak eta/edo halakoak besterik gabe antolatzea.

### **4. artikulua. — *Diru-laguntza jaso dezaketen gastuak***

1. Programa honek ondorengo gastuak finantzatuko ditu:
  - a) Bideragarritasun, merkatu-azterlanak eta txosten teknikoak.
  - b) Produktuaren edo zerbitzuaren kontzeptua, ezaugarriak eta oinarritzko funtzionalitateak garatzea.
  - c) Proiektua garatzeko kanpoko aholkularitza.
  - d) Jabetza intelektuala edo industrialak babestea, erregistroak, ziurtagiriak eta homologazioak.
  - e) Bidaiak egitea eta azoketan parte hartzea.
  - f) Marketin plana.
  - g) Abian jartzeko gastuak.
  - h) Proiekturako jarritako langileen barruko gastuak.

Langile horiek eskabideak aurkezteko epea bukatzen denean kontratatuta egon behar dira.



2. Gainera, enpresa berrien kasuan, hau da, EJZko altaren lehenengo data 2017ko urtarrilaren 1a edo 1az gerokoa dutenak, ondorengo gastuak ere izango dira diruz lagungarriak:

a) Enpresa berria sortzeagatiko prima.

Sozietatearen kapitala eskrituran eta eskudirutan ordaindua izan behar dute, eskabideak aurkezteko epea amaitzen denean, pertsona fisiko eta juridiko ekintzaileek. Ezin da diru-laguntzarik jaso inbertsiogile-taldeei, arrisku-kapitaleko sozietateei edo baliokideei dagozkien sozietatearen kapitalaren ekarpenetarako.

b) Bizkaian negozio-lokala errentan hartzea.

Errentamendu-kontratua eskabideak aurkezteko epea bukatzen denean formalizatuta egon beharko da eta gehienez negozioko lokalaren urte bateko errentamendua lagunduko da diruz. Gastu hori ez da diruz lagunduko zuzenbide publiko edo pribatuko entitateen bidez diruz laguntzen edo hobaritzen bada.

c) Negozioa garatzeko pertsona bat kontratatzea.

Honako hau joko da negozioa garatzeko pertsonatzat: talde sustatzailearen ga-beziak osatzea, enpresaren negozio-planaren abiaraztea bultzatzea eta salmentetarako zein merkaturatzeko sare bat egituratzea zeregintzat duena.

Enpresako teknikariak, administrariak edo komertzialak kontratatzea ez da halakotzat hartuko.

Pertsona horrek egiaztatu behar du aurretik baduela esperientzia enpresa berrian beteko dituen eginkizunetan.

Kontratazio-kostua ordainsari gordinaren eta Gizarte Segurantzari enpresak egiten dion kuotaren batura izango da.

Ez da diruz lagunduko enpresa berriko bazkideen kontratazioa, ezta talde bereko enpresetakoak diren pertsonak lekuz aldatzea ere.

Negozioa garatuko duen pertsona kontratatuta egon behar da eskabideak aurkezteko epea bukatzen denean eta, gehienez ere, urtebeteko kontraturako diru-laguntza emango da, ezarritako burutzeko epean.

3. Beaz, S.A.U., sozietateak proposatuz gero, beste gastu-kontzeptu batzuk ere diruz lagundu ahal izango dira, baldin eta proiektua garatzeko beharrezkoak direla uste bada.

### **5 artikulua. – Egiteko epea**

1. Gastuak 2018ko urtarrilaren 1aren eta 2020ko abenduaren 31ren bitartean egin eta benetan ordaindu behar dira.

### **6. artikulua. – Diru-laguntzaren zenbatekoa**

1. Diru-laguntzaren gehieneko portzentajea eta zenbatekoa ondoren adierazten den moduan ezarriko da:

Ebaluazio-irizpideak ezarri ondoren lortutako puntuazioa.	Diru-laguntzaren gehieneko portzentajea (%)	Diru-laguntzaren gehieneko zenbatekoa (eurotan)
50-59 puntu	80	20.000
60-69 puntu	80	30.000
70-79 puntu	100	40.000
80 puntu edo gehiago	100	50.000

Proiekturako jarritako langileen barruko gastua dela eta, %40 izango da gehieneko portzentajea eta 10.000 euro izango da diru-laguntzaren gehieneko muga; kopuru hori aurreko taulan ezarritako mugen barruan egongo da.



Gainera, enpresa berrientzat, hau da EJZko altaren lehenengo data 2017ko urtarrilaren 1a edo ondorengo dutenentzat:

Diruz lagungarriak diren gastuak Gastos subvencionables	Lortutako puntuazioa Puntuación obtenida (puntu/puntos)	Laguntzaren gehieneko portzentajea (%) Porcentaje (%) máximo de subvención	Laguntzaren gehieneko zenbatekoa (€) Importe (€) máx. de subvención
Enpresa berria sortzeagatiko hobaria Prima por constitución	≥ 50	30	15.000
Errendamendua Arrendamiento	50-69 ≥ 70	60 80	15.000
Negozioren garatzailea Persona desarrolladora del negocio	≥ 50	50	20.000

2. Enpresa sortzaile berriak kasuetan, onuradun izateko baldintzak betetzen direnean, beste behin baino ezin izango da lortu laguntza, behean aipatutako gastu-konzeptuak direla eta, betiere aurretiaz ez badira diruz lagundu eta aurreko 1. puntuan ezarritako muga kuantitatiboetara iritsi arte.

- Kapital-gehikuntza.
- Bizkaian negozio-lokala errentan hartzea.
- Negozia garatzeko pertsona baten kontratazioa.

3. Diru-laguntzaren gehieneko kopurua 100.000 euro izango da, enpresa berrientzat, eta 50.000 euro, berriz, jardunean ari diren enpresentzat eta elkarteentzat.

Diru-laguntzaren zenbatekoa beherazko unitate hurbilenera biribilduko da.

Jarduera noiz egiten den kontuan hartu gabe, aurrekontu-ekitaldi baten edo gehiagoren kontura adjudikatu daitezke diru-laguntzak.

#### **7. artikulua. – Ebaluatzeko irizpideak**

1. Enpresek aurkeztutako eskabideen balorazioa honako irizpide hauen arabera egingo da:

- Proiektuaren garapen maila (0-10 puntu bitartean):*

Proiektuaren garapen maila eta jarritako baliabide tekniko eta giza-baliabideen egokitzapena baloratuko dira.

- 
- 

*Proiektuaren berrikuntza maila eta berrikuntza horren jatorria (0-20 puntu bitartean):*

Berrikuntzaren gradua eta jatorria, merkatu-aukera, lehia-abantaila zein babes-maila, eta enpresaren estrategiarekin duen koherentzia baloratuko dira.

- 
- 
- 

*Proiektuaren taldea (0-20 puntu bitartean):*  
Taldearen lidergoa eta kohesioa, arriskuak eta konpromisoak hartzea, arlo teknikoko zein kudeaketa arloko gaitasuna, eta proiektuari lotuta aurretik izandako esperientzia baloratuko dira.

- 
- 
- 
- 

*Inpaktua merkatuan eta ingurune sortzailean (0-25 puntu bitartean):*  
Azken erabilera/erabiltzailearen identifikazioa eta hautemandako balioa baloratuko da, bai eta ingurune sortzailean duen inpaktua, produktu-lerroak sortzea eta finkatzea, proiektuaren ikuspegi internazionala eta merkatura sartzeko kanala ere.

- 
- 
- 
- 
-





Aurrez ikusten den fakturazio-bolumena, inbertsio bolumena eta enplegua, balizko merkatuaren banaketa geografikoa, eta beste eragileekin duen kolaborazio maila baloratuko dira.

f) *Proiektuaren beste ezaugarri batzuk (0-10 puntu bitartean):*

Proiektuko taldearen barruan %50 gutxienez emakumezkoak (5 puntu) eta 30 urtetik beherako gazteak (2 puntu) izatea baloratuko da, bai eta proiektuak garapen iraunkorrari egiten dion ekarpena ere (3 puntu).

2. Irabazi-asmorik gabeko elkarteen balorazioa honako irizpide hauen arabera egingo da:

g) *Proiektuaren garapen maila (0-10 puntu bitartean):*

Proiektuaren garapen maila eta jarritako baliabide tekniko eta giza-baliabideen egokitzapena baloratuko dira.

h) *Proiektuaren berrikuntza maila (0-20 puntu bitartean):*

Parte hartzen duten enpresa elkartuek jardueran duten berrikuntza maila, merkatu-aukera, sektorerako lehia-abantaila, eta plan estrategiko bat egotea baloratuko dira.

i) *Proiektuaren taldea (0-20 puntu bitartean):*

Taldearen lidergoa eta kohesioa baloratuko da, bai eta parte hartzen duten enpresa elkartuen inplikazio gradua, lankidetzako proiektuen kudeaketan duten esperientzia eta proiektuaren helburuak lortu ahal izateko beste enpresa batzuk erakartzeko gaitasuna ere.

j) *Inpaktua merkatuan eta ingurune sortzailean (0-25 puntu bitartean):*

Proiektuak enpresa parte-hartzaileen lehiakortasuna hobetzen laguntzea baloratuko da, bai eta ingurune sortzailean duen inpaktua, erakunde parte-hartzaileen jarduera, produktu, zerbitzu eta eremu geografikoak finkatzean duen eragina, hedatzeko kanalak zein haiei ekiteko estrategiak identifikatzea, eta enpresa elkartu talde bat merkatura batera ateratzea ere.

k) *Proiektuak duen eragina (0-25 puntu bitartean):*

Proiektua dela-eta sektoreko enpresen fakturazio, enplegu eta inbertsioan aurrez ikusten den hazkundera baloratuko da, bai eta proiektuak duen hedadura geografikoa eta sektoreko beste elkarte edo kluster batzuekin beste eremu geografiko batzuetan duen lankidetzeta ere.

l) *Proiektuaren beste ezaugarri batzuk (0-10 puntu bitartean):*

Proiektuko taldearen barruan %50 gutxienez emakumezkoak (5 puntu) eta 30 urtetik beherako gazteak (2 puntu) izatea baloratuko da, bai eta proiektuak garapen iraunkorrari egiten dion ekarpena ere (3 puntu).

3. Diruz lagundutako eskabideen gutxienerako kalitate bat bermatzeko, ondoko egokieretako bat, gutxienez, betetzen duten eskabideak baztertu egingo dira:

a) 1.a) edo 2.a) irizpidean 5 puntu baino gutxiagoko balorazioa.

b) 1.b) edo 2.b) irizpidean 10 puntu baino gutxiagoko balorazioa.

c) Proiektuaren balorazio osoan 50 puntu baino gutxiago lortzea.

Irizpideren batean ezarrita baldin badago gutxienerako balorazio bat lortu behar dela, eta lortzen ez bada, horrek gainerako irizpideetan baloraziorik ez egitea ekarriko du.

## **8. artikulua. — Aurkeztu beharreko dokumentazioa**

1. *Honako agiri hauek aurkeztu behar dira eskabidearekin batera*

a) Proiektuari buruzko memoria.

b) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo bertan dauden datuak aldatu nahi badira.

Proiektuaren memoria eta hartzekodunaren fitxa Ekonomi eta Lurralde Garapena Sustatzeko Sailaren webgunean dauden ereduaren arabera aurkeztu behar



- (www.bizkaia.eus/Enpresak eta nazioartekotzea/Ekintzailletza/Berrikuntza eta sorkuntza/Bizkaia Sortzailea).
- c) Sustatzaile-Proiektu-taldearen lanbide-historia edo enpresaren ibilbidea, hala badagokio.
  - d) Enpresa sortzaile berrien kasuan, EJZko altaren lehenengo data 2017ko urtarrilaren 1a edo 1az gerokoa dutenak, entitate eskatzailearen eraketari buruzko eskritura, behar bezala erregistratuta, eta, hala badagokio, kapital-gehikuntzari buruzko eskriturak.
  - e) Irabazi-asmorik gabeko erakundeen kasuan, entitate eskatzailearen estatutuak, behar bezala erregistratuta.
  - f) Enpresen kasuan, 2018. urteko fakturazio-zerrenda, bezeroak, egindako lanaren deskripzioa eta fakturatutako zenbatekoa jasotzen dituena.  
Irabazi-asmorik gabeko erakundeen kasuan, 2018ko ekitaldian egindako jarduerak, haien deskribapena eta kostua adierazita.
  - g) Irabazi-asmorik gabeko elkarten kasuan, elkartekide diren pertsona eta entitateen zerrenda, eta haietako bakoitzerako adierazi behar da EJZko zer epigrafe-tan dauden alta emanda eskabidea aurkezten den egunean.
  - h) Enpresen kasuan enpleguaren betekizuna egiaztatzeko:
    - 1) Enpresak ordaindutako azken autonomoen ziurtagiria edo azken nomina, langile autonomoen kasuan bakarrik.
    - 2) Inoren konturako langileen kasuan, betekizun hori automatikoki egiaztatuko du Ekonomi eta Lurralde Garapena Sustatzeko Sailak.
  - i) Proiekturako jarritako langileen barruko gastuak eskatu badira:
    - 1) Gizarte Segurantzaren Araubide Orokorrean dauden pertsonen kasuan, azken langileen zerrenda (TC2).
    - 2) Langile autonomoen kasuan, azken 2 nominak eta azken autonomoen ordainagiria.
  - j) Errentamendu gastuen kasuan, errentamendu-kontratua, behar bezala beteta.
  - k) Merkaturatze gastuei eta marketin-planari dagozkien aurrekontuak.
  - l) Negozioa garatu behar duen pertsonaren kontratazioen kasuan:
    - 1) Lan-kontratua.
    - 2) Langileen zerrenda (TC2) edo alta Gizarte Segurantzaren araubide orokorrean, zerrendarik ezean.
    - 3) Lan-bizitza.
    - 4) Curriculum vitae.
    - 5) Enpresa berrian izango dituen eginkizunen deskribapen laburra.
2. *Proiektua egiten ari den bitartean eta amaitzen denean aurkeztu beharreko dokumentazioa*
- a) Tarteko eta amaierako justifikazioei dagokien jarduketan memoria, egindako jarduerak eta lortutako emaitzak azaltzen dituena, Ekonomi eta Lurralde Garapena Sustatzeko Sailaren web gunean dagoen ereduaren arabera (www.bizkaia.eus/Enpresak eta nazioartekotzea/Ekintzailletza/Berrikuntza eta sorkuntza/Bizkaia Sortzailea).
  - b) Egin beharreko lanen eskaintzei buruzko dokumentazioa, halakorik badago, 31. artikuluan ezarritakoaren arabera.
  - c) Lagundutako jardueretako edozein egiteko kontratuak, behar bezala formalizatu-takoak, halakorik behar izanez gero.
  - d) Egindako bideragarritasunari eta merkatuari buruzko azterlanak, egindako txostenak eta marketin plana, hala badagokio.





- e) Egindako aholkularitza lanei buruzko azterlana eta bere ondorioak, halakorik behar izanez gero.
  - f) Proiekturako jarritako langileen barruko gastuak eskatu badira:
    - 1) Gizarte Segurantzaren Araubide Orokorrean dauden pertsonen kasuan, justifikazioaren aldiko «langileen zerrenda» (TC2) agiri guztiak.
    - 2) Langile autonomoen kasuan, azken 2 nominak eta justifikazioaren aldiko autonomoen ordainagiri guztiak.
  - g) Negozioa garatzen duen pertsonaren nomina eta TC2 agiriak, eskabidea aurkeztu denean erantsi ez badira.
  - h) Faktura eta dagokion ordainketa-ziurtagiria, dokumentu bakarra erabiliz, diru-laguntza jaso dezaketen gastu bakoitzerako.
3. 50 euro baino gutxiagoko fakturak, dokumentu bakar batean aurkeztu beharko dira, hornitzaileka sailkatuta.

Justifikaziorako fakturak bulego birtualaren bidez bidaltzen direnean, sistemak, automatikoki, diruz lagundutako jardueraren gastu-zerrenda sortuko du.

## II. TITULUA

### DIRU-LAGUNTZA MOTA GUZTIETARAKO XEDAPEN OROKORRAK

#### 9. artikulua. — *Araubide juridikoa*

1. Honako hauek arautuko dituzte dekretu honetako diru-laguntzak: dekretuak berak eta diru-laguntzak emateko foru aginduek; maiatzaren 31ko 5/2005 Foru Arauak (haren bidez, foru administrazioak ematen dituen diru-laguntzen araubide juridiko orokorra ezarri da); diru-laguntzen araudiak (Bizkaiko Foru Aldundiko martxoaren 23ko 34/2010 Foru Dekretuaren bidez onartua); Bizkaiko Foru Aldundiaren otsailaren 27ko 16/2018 Foru Dekretuak (honen bidez, onartutako Diru-laguntzen Erregelamendua aldatzen da); eta aplikatu beharreko estatuko zein erkidegoko araudiak.

2. Bizkaiko Gardentasunari buruzko otsailaren 17ko 1/2016 Foru Araua erakunde pribatu hauei aplikatuko zaie: aurrekontu-ekitaldi baten zehar Bizkaiko Foru Aldundiaren 100.000 euro edo gehiagoko laguntzak edo diru-laguntzak jasotzen dituztenei edo urteko diru-sarreraren %40 Aldundiaren laguntzetatik edo diru-laguntzetatik jasotzen dutenei, betiere gutxienez 5.000 euro badira.

3. Interesdunak ematen dituen datuak foru-dekretu honetatik eratoritzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, eta 95/46/CE Zuzentaraua indargabetzen duena (Datuak babesteko erregelamendu orokorra), eta 15/1999 Lege Organikoa, abenduaren 13koa, Izaera Pertsonaleko Datuak Babesteari buruzkoa.

Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratze-ko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan erreboka dezake lehen adierazitako onarpena.

Halaber, erreklamazioa aurkezteko eskubidea izango du Datuen Babesaren Kontrol Agintaritzaren aurrean.



4. Administrazio prozedurari dagokionez, foru-dekretu honetan ezarri ez den guztirako Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da. Hala ezin bada, zuzenbide pribatuko arauak aplikatuko dira.

**10. artikulua. — Diru-laguntza jaso dezaketen gastuetarako irizpide orokorrak**

1. Honako hauek dira diru-laguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Diru-laguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

**11. artikulua. — Diru-laguntzarik jasoko ez duten gastuak**

Edonola ere, honako gastu hauek ez dute diru-laguntzarik jasoko:

1. Balio erantsiaren gaineko zerga (BEZ).
2. Diru-laguntzaren xedea den jarduerarekin argi eta garbi, okertzeko aukerarik gabe, identifikatu ezin diren gastuak.
3. Eskatzailearen eta erakunde hornitzailearen artean lotura dagoen kasuetan gastuek ez dute diru-laguntzarik jasoko; salbu eta 5/2005 Foru Arauko 27.7.d) artikuluan gastu horiek diruz lagungarritzat jotzeko baldintzak betetzen direnean. Bada, ondorio horietarako, diru-laguntzen araudia onartzen duen Bizkaiko Foru Aldundiaren martxoaren 23ko 34/2010 Foru Dekretuaren 53.2 artikuluan ezarritako kasuetako bat gertatzen denean ulertuko da lotura dagoela.
4. Zeharkako gastuak.
5. Barruko langile-gastuak, beste gasturen baterako diru-laguntzarik eskatu ez bada.
6. Janari eta mantenu gastuak.
7. Lizentzia informatikoak eskuratzeko gastuak.
8. Patente, erabilgarritasun-eredu edo diseinuaren eskabideari beste pertsona fisiko edo juridiko batzuek egindako alegazioen edo aurkakotzen aurreko defentsa legalen eta erantzunen gastuak.
9. Jabetza industrialaren bulegoetan ordaindutako urtekoak.
10. Foru-dekretu honetan diruz lagundu daitekeen gastutzat ezarritako baldintza guztiak betetzen ez dituzten gastuak.
11. 6. artikuluan epeei buruz ezarritako baldintzak betetzen ez dituzten gastuak.

**12. artikulua. — Aurrekontuko muga**

Diru-laguntza jasotzeko aurkezten diren eskaeretatik, horretarako aurrekontuan izendatutako kopuruek uzten dituzten beste eskaerak baino ez dira hautatuko.

**13. artikulua. — Diru-laguntzak metatzea**

Foru dekretu honetan jasotako laguntzek edo diru-laguntzek Batzordearen 2013ko abenduaren 8ko 1407/2013 (EB) Araudian xedatutakoa bete beharko dute. Araudi hori 2013ko abenduaren 24ko Europako Erkidegoen Aldizkari Ofizialean argitaratu zen (352. zenbakian), eta Europar Batasunaren Funtzionamenduari buruzko Itunaren 107. eta 108. artikulua minimis laguntzei aplikatzei buruzkoa da. Honen ondorioz, araudi hori ez betetzeak erantzukizun penala, zibila eta administratiboa ekar liezaioke arau-hausleari. Europako Batasunak ezarritakoaren arabera, edozein enpresari emandako de minimis laguntza, guztira, ez da 200.000 euro baino gehiagokoa izango hiru zerga-ekitalditan.

**14. artikulua. — Diru-laguntzen bateragarritasuna**

1. Dekretu honen babespean emandako laguntzak bateragarriak izango dira ondoko laguntzekin:

- a) SPRIren Ekintzaile Programako laguntzak.



- b) Beste entitate publiko edo pribatu batzuek helburu bererako eman ditzaketen beste laguntza batzuekin

Hala ere, Diru-laguntzei buruzko Foru Arauko 18.3 artikuluan ezarritakoaren arabera, emandako diru-laguntzaren zenbatekoak ezin du inola ere gainditu lagundutako jardueraren kostua, ez berak bakarrik, ez beste diru-laguntza batzuekin batera.

2. Bizkaiko Foru Aldundiko Ekonomi eta Lurralde Garapena Sustatzeko Sailaren beste plan, programa edo jarduera-arlo batek diruz lagundutako gastuek ezin izango dituzte diru-laguntza hauek jaso.

3. Edozelan ere, diru-laguntza jasotzen duten entitateek nahitaez jakinarazi behar diote Ekonomi eta Lurralde Garapena Sustatzeko Sailari beste edozein laguntza jaso dutela, laguntza hori jaso duten data edozein delarik ere. Jakinarazpen hori maiatzaren 31ko 5/2005 Foru Arauaren 18.3 eta 4. artikuluetan aurrez ikusitakoa betetzeko egingo da, eta, horrela, aldatu egin ahalko da diru-laguntza emateko ebazpena, eta, hala bada-gokio, dirua itzultzeko prozedura abiarazi.

4. Ekonomi eta Lurralde Garapena Sustatzeko Saila harremanetan jarri ahal izango da beste entitate finantzatzaile batzuekin, kofinantzaketa-hitzarmen bat egin ahal izateko.

#### **15. artikulua. — Emandako diru-laguntzen publizitatea**

Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

#### **16. artikulua. — Emandako diru-laguntzen zabalkundea**

Dekretu honen babespean ematen diren laguntzen onuradunek laguntza horien publizitatea egin beharko dute, maiatzaren 31ko 5/2005 Foru Arauaren 17.3 artikuluan adierazitakoaren arabera.

#### **17. artikulua. — Deslokalizazioa**

Entitate onuradunek enpresa-deslokalizaziorik ez egiteko konpromisoa hartzen dute. Enpresak deslokalizatzen direnean Foru Sektore Publikoak laguntzak berreskuratzeari buruzko martxoaren 27ko 7/2007 Foru Arauak ezarritakoa joko da enpresa-deslokalizaziotzat.

Deslokalizazio gertatuz gero, diru-laguntzaren kontzeptuan jasotzen diren muntak foru arau horretan ezarri denarekin bat ituzli beharko dira.

#### **18. artikulua. — Erakunde laguntzailea**

Ekonomi eta Lurralde Garapena Sustatzeko Sailak bere helburuak lortzeko berari atxikitako Beaz, S.A.U., foru sozietate publikoaren laguntza du. Sozietate horrek Bizkaia Sortzailea Programan esku hartuko du, erakunde laguntzaile gisa. Aurreko guztia hala da Bizkaiko Foru Aldundiaren eta Beaz, S.A.U.-ren artean sinatuko den lankidetzaz hitzarmenaren arabera; hitzarmenaren xedea da sozietateak erakunde kolaboratzaile gisa jardutea Ekonomi eta Lurralde Garapena Sustatzeko Sailak sustatutako diru-laguntzei buruzko zenbait foru-dekretutan. Bizkaiko Foru Aldundiaren Gobernu Kontseiluak 2017ko uztailaren 18an onetsi zuen hitzarmena, zerrendako 19. gaia zela.

Beaz, S.A.U., erakunde laguntzaileak Bizkaiko Foru Aldundiko Ekonomi eta Lurralde Garapena Sustatzeko Sailaren izenean eta kontura jardungo du; sail hori izango da, ondorio guztietarako, laguntzen emaila.

### III. TITULUA

#### **DIRU-LAGUNTZAK EMATEKO PROZEDURA**

#### **19. artikulua. — Eskabideak aurkeztea**

1. Eskabidea Internet bidez aurkeztuko da «Ekonomi eta Lurralde Garapeneko bulego birtuala» atalean (<http://www.bizkaia.eus/Sustapena-BulegoBirtuala>).

2. Bulego birtualera sartzeko erak:

- a) Sinadura elektronikoa duen txartela edo ziurtagiria.



- b) B@k edo B@kQ txartelak. B@kQ Ekonomi eta Lurralde Garapeneko Sailean (Orueta apezpikuaren kalea, 6, 48009-Bilbo) lor daiteke, aipatutako webgunean esandako moduan.

Bi aukera horiek guztiek baimena ematen dute pertsona juridikoaren ordezkari legez eskabideak egiteko.

3. Eskabide-orrira jo aurretik, sistemak beharrezkoak diren datuak eskatuko ditu Ekonomi eta Lurralde Garapena Sustatzeko Sailaren erakunde eta pertsonen Erregistro (ESEPE) inskripzioa egiteko (Bizkaiko Foru Aldundiaren ekainaren 14ko 109/2016 Foru Dekretuaren bidez arautu zen erregistro hori).

4. Eskabidea aurkeztean, eskatzaileak baimena ematen du informazioa lortzeko, jakiteko zein den haren zergekiko egoera, Gizarte Segurantzarekikoa, Lanbidekikoa edo dagokion lan zerbitzu publikoarekikoa zein beste edozein administrazio publikoarekikoa.

5. Eskabideekin batera, honako dekretuak ezarritako dokumentazioa aurkeztu behar da; horretarako, gorago aipatu den webgunean agiriak eransteko dagoen sistema erabili behar da.

6. Nolanahi ere, instrukzioaz arduratzen den organoak elkartu edo xehatu egin ahalko ditu elkarrekin zerikusia duten eskabideak, eta eskabide horiek ondo aztertu eta ebaluatzeko egoki ikusten dituen multzoak sortu. Horrez gainera, esku izango du diru-laguntzaren xedeko jarduerara ondoen egokitzen den egitate lagungarria zehazteko.

7. Eskabideak jaso ondoren, oso-osorik beteta ez badaude, entitate eskatzaileari errekerimendua egingo zaio hamar (10) eguneko epean (jakinarazpena egin, eta biharramunetik zenbatzen hasita) akatsa konpon dezan edo nahitaez aurkeztu beharreko dokumentuak aurkez ditzan; eta ohartaraziko zaio, horrela egiten ez badu, eskabidean atzera egindakotzat joko dela horretarako beren-beregi emaniko ebazpen baten bidez, Administrazio Publikoen Administrazio Prozedura Erkidearen urriaren 1eko 39/2015 Legeko 21 eta 68. artikuluetan xedatutakoaren arabera.

Herri Administrazioen Administrazio Prozedura Erkidearen 32.3 artikulua ezartzen duenaren arabera, epeak zabaltzeko akordioak edo horiek ukatzekoak ezingo dira errekurritu, prozedura amaitzen duen ebazpenaren aurkakoari kalterik egin gabe.

8. Eskabideak aurkezteko epea 2019ko martxoaren 15ean hasiko da, eta 2019ko maiatzaren 3an, 13:30ean, amaituko da.

## **20. artikulua.— Emateko prozedura**

1. Diru-laguntzak emateko prozedura norgehiagoka izango da, eta hautaketa prozedura bakar baten bidez egingo da. Hala ere, kasuan kasuko aurrekontu ekitaldian, deialdi bat baino gehiago onartu ahalko da.

2. Honako hau jotzen da norgehiagoka prozeduratzat: diru-laguntzak emateko, aurkeztu diren eskabideak konparatzea, aurretik ezarritako ebaluazio irizpideen arabera, lehenetsun hurrenkera bat ezartzeko, eta puntu gehien jaso dutenei diru-laguntzak adjudikatzea erabilgarri dagoen kredituaren arabera.

3. Ekonomi eta Lurralde Garapena Sustatzeko Saileko bi kidek eta Beaz, S.A.U., sozietateko beste bi kidek osatutako ebaluazio-batzordeak aukeratuko ditu deialdi bakoitzean laguntza jasoko duten proiektuak.

Diru-laguntza publikoak emateko batzorde ebaluatzailearen osieran, gaitasun, gaitasun eta prestakuntza egokia duten emakumeen eta gizonen arteko ordezkari orekatua egotea saiatuko da.

Ebaluazioa eginda, ebaluazio-batzordeak txosten bat emango du, ebaluazio horren emaitza zehazteko.

## **21. artikulua.— Laguntzak emateko prozedura antolatuta, instruitu eta ebatziko duten**

**organo eskudunak**

1. Enpresak Sustatzeko Zerbitzuak izapidetuko ditu diru-laguntzetarako eskabi-deak, eta ekonomi eta lurralde garapena sustatzeko foru diputatuak ebatziko ditu, enpresak sustatzeko eta ekonomia garatzeko zuzendari nagusiak proposamena eginda.

2. Organo instrukziogileak egiaztatu egingo du erakunde onuradun izateko ezarritako baldintzak betetzen diren.

3. Ebaluazio batzordeak balorazioa egin ondoren, organo instrukziogileak ebazpen-proposamena igorriko dio Enpresak Sustatzeko eta Ekonomia Garatzeko Zuzendaritza Nagusiari. Proposamen horrek diru-laguntzetarako eskabideen zerrenda jasoko du (onartuak izateko baldintzak betetzen dituztenen zerrenda, alegia); zerrenda hori lortutako puntuak arabera ordenatuta egongo da. Horrez gainera, ezesteko diren eskabideen zerrenda ere jasoko du; zerrenda horretan adieraziko da zergatik ezetsi diren eskabide horiek. Ebazpen-proposamen horrek ez die aldeko eskubiderik emango onuradun agertzten diren pertsona edo erakundeei.

4. Enpresak Sustatzeko eta Ekonomia Garatzeko Zuzendaritza Nagusiak ebazpen-proposamena igorriko dio ekonomi eta lurralde garapena sustatzeko foru diputatuari, berak emango baitu ebazpena dagokion foru aginduaren bidez.

**22. artikulua.— Gastuen doiketa**

Ekonomi eta Lurralde Garapena Sustatzeko Sailak uste badu gastu-aurrekontua gehiegizkoa dela izaera bereko gastuen batez besteko kostuarekin alderatuta, murriztu egin dezake diruz laguntzeko oinarria, bere ustez doia eta neurrikoa den gastuari dagokion zenbatekoan.

**23. artikulua.— Ebazpena emateko epea**

1. Eskabideak ebazteko, gehienez ere sei (6) hilabeteko epea egongo da, eskabi-deak aurkezteko epea bukatzen den egunetik aurrera.

2. Organo eskudunak aurkeztu diren eskabide guztiei buruzko ebazpen adierazia eman behar badu ere, ebazpena eta jakinarazpena emateko epea iraungi eta ebazpen adierazia eman ez badu, ulertuko da eskabidea administrazio-isiltasunez ezetsi dela, Administrazio Publikoen Administrazio Prozedura Erkidearen urriaren 1eko 39/2015 Legeko 25. artikuluan xedatutakoaren arabera.

**24. artikulua.— Ebazpenaren edukia eta jakinarazpena**

1. Eman eta ukatu diren diru-laguntzen aipamenaz gain, ebazpenak zerrenda ordenatu bat jasoko du, honako eskabide hauek jasoko dituen: dagokion deialdirako zegoen kredituaren gehieneko kopurua gainditu delako onartu ez direnak, nahiz eta erakunde onuradun izateko foru dekretu honetan ezarritako baldintza administratiboak eta teknikoak betetzen dituzten. Horrekin batera, aurrez ikusitako ebaluazio irizpideen arabera eskabide horiek jaso duten puntuazioa ere adieraziko da.

2. Foru dekretu honetan edo dagokion deialdiaren araudian xedatutakoa kasu bakoitzera egokitu eta aplikatzeko, komenigarritzat jotzen denean, diru-laguntza emateko ebazpenean baldintza bereziak ezarri ahalko dira, proiektuen izaera berezia edo gertatzen diren beste inguruabar batzuk direla-eta.

3. Ebazpena erakunde interesdunei jakinaraziko zaie, Administrazio Publikoen Administrazio Prozedura Erkidearen urriaren 1eko 39/2015 Legeko 40. artikuluan eta hurrengoetan xedatutakoaren arabera.

**25. artikulua.— Errekurtsoak**

1. Ebazpen honek amaiera ematen dio administrazio-bideari, eta haren aurka aukerako berraztertze errekurtsoa jar daiteke, ekonomi eta lurralde garapena sustatzeko foru diputatuari, hilabeteko epean, jakinarazpena jaso eta biharamunetik hasita, Administrazio Publikoen Administrazio Prozedura Erkidearen urriaren 1eko 39/2015 Legean xedatutakoaren arabera.



2. Era berean, Administrazioarekiko auzi-errekurtsoa jarri ahalko da, Administrazioarekiko Auzietarako dagokion Epaitegian, bi (2) hilabeteko epean, jakinarazpena jaso eta biharamunetik hasita, Administrazioarekiko Auzien Jurisdikzioa arautzen duen uztailaren 13ko 29/1998 Legean ezarritako eran.

Ezingo dira errekurtso biak aldi berean jarri.

#### **26. artikulua.— Diru-laguntzari uko egitea**

1. Onuradun gertatu den erakunde batek diru-laguntzari uko egiten badio, diru-laguntza ematen duen organoak erabaki dezake zerrendan — lortutako puntuen arabera — hurrengo dauden erakunde eskatzaileei diru-laguntza ematea, betiere behar besteko kreditua badago eskabide horiei erantzun ahal izateko.

2. Diru-laguntza ematen duen organoak aukera horren berri emango die erakunde interesdunei, diru-laguntzaren proposamena onar dezaten, hamar (10) eguneko epean; epe hori ezin da luzatu. Behin erakunde eskatzaileek proposamena onartu ondoren, administrazio-organok diru-laguntza emateko egintza emango du, eta haren jakinarazpena egingo du.

#### **27. artikulua.— Diru-laguntza ordaintzea**

1. Diru-laguntzak eman eta ordaindu aurretik, Ekonomi eta Lurralde Garapena Sustatzeko Sailak edo, hala badagokio, erakunde laguntzaileak egiaztatu egingo dute gastua diru-laguntza jaso dezakeen egitatea ote den eta zenbatekoa diruz lagundutako egitate eta gastuei ondo doituta dagoen edo ez.

2. Diru-laguntzaren betebeharra aitortu eta hura ordaindu aurretik, erakunde onuradunek zerga-betebeharrak eta, hala badagokio, Gizarte Segurantzarekikoak egunean dituztela egiaztatuko da. Egiaztapen horren ondorioz, ikusten bada erakunde onuradunak ez dituela egunean zerga-betebeharrak eta Gizarte Segurantzarekikoak, diru-itzulketaren prozedura abiaraziko da, 35. artikuluan eta hurrengoetan xedatzen diren baldintzak ez betetzeagatik.

3. Beaz, S.A.U., sozietatearen bitartez ordainduko dira diru-laguntzak. Ordainketak Beaz, S.A.U.-ri aurretiaz egingo dira.

4. Diru-laguntzaren azken justifikazioari dagokionez, emandako diru-laguntzak aurretiaz ordainduko dira, erakunde onuradunei bermerik eskatu gabe.

5. Diru-laguntza jasotzen duen pertsonak edo erakunde onuradunak zor baten ordainketa geroratu edo zatikatzen badu berme barik, Administrazioak ofizioz konpentsatuko du geroratze edo zatikapen hori, emandako diru-laguntzaren kargura, Bizkaiko Lurralde Historikoko zerga-bilketari buruzko araudia onesten duen abenduaren 27ko 215/2005 Foru Dekretuaren 32 b) artikulua aplikatuz.

Konpentsazio hori gorabehera, pertsona edo erakunde onuradunak diru-laguntzaren justifikatu beharko du.

### IV. TITULUA

#### **DIRU-LAGUNTZAK KUDEATU ETA JUSTIFIKATZEA**

#### **28. artikulua.— Entitate onuradunen beste betekizun batzuk**

1. Entitate onuradunek Ekonomi eta Lurralde Garapena Sustatzeko Saileko Enpresak Sustatzeko Zerbitzuari jakinarazi behar dizkiote enpresan alderdi hauek direla-eta gertatzen diren aldaketa guztiak: akziodunen osaera, helbide soziala, enpresaren izena, eta abar.

2. Entitate onuradunek jasotako funtsen erabilerari buruzko frogagiriak gorde behar dituzte, agiri elektronikokoak barne, egiaztapen eta kontroleko jardueren xede izan daitezke-eta.

3. Entitate onuradunek bete behar dituzte, maiatzaren 31ko 5/2005 Foru Arauaren 41. artikulua dela bide, erakunde onuradunei eta diru-laguntzaren xedeari lotutako hirugarrenei dagozkien finantza-kontroleko organoekin lankidetzan aritzeko dituzten betebeharrak.



**29. artikulua.— Informazio osagarria eskatzea**

Dena dela, Ekonomi eta Lurralde Garapena Sustatzeko Sailak eta Beaz, S.A.U., erakunde laguntzaileak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko; agiriak eskatzen diren unean zehaztutako epean eman beharko dira. Era berean, erakunde eskatzaileari bisitak eskatu ahal izango dizkio proiektua egin bitartean eta amaitu ondoren, jarraipen egokia egiteko.

Ekonomi eta Lurralde Garapena Sustatzeko Sailaren jardueraren eragina ebaluatzeko, Sail horrek eta Beaz, S.A.U., entitate laguntzaileak enpresari proiektuak iraun bitartean zein proiektu amaitu eta osteko bost (5) urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

**30. artikulua.— Azpikontratazioa**

1. Diruz laguntzen diren zerbitzu edo proiektuetako jardueren %100eraino azpikontratatu ahalko da, baldin eta maiatzaren 31ko 5/2005 Foru Arauaren 27. artikuluan ezarritako baldintzak eta debekuak errespetatzen badira.

2. Emakumeen eta Gizonen berdintasunerako otsailaren 18ko 4/2005 Legean xedatutakoaren arabera, diru-laguntzaren xedea gauzatzeko agindua jasotzen duten erakundeek honako hauek bete behar dituzte: lege horretan ezarritako printzipio orokorrak errespetatu behar dituzte erakundeek, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkaritza orekatua bermatu behar dute eratzten diren batzordeetan eta lan taldeetan.

3. Diru-laguntzaren xedeko jardueraren zati baten burutzapena beste batekin hitzartzen duenean, eta jarduera horrek diru-laguntzaren zenbatekoaren %20 gainditzen duenean, eta, horrez gainera, azpikontratazioa 60.000 eurotik gorakoa denean, erakunde onuradunak azpikontratazio hori egiteko baimena eskatu beharko dio Bizkaiko Foru Aldundiari. Horretarako, azpikontratazioaren baldintza nagusiak jakinarazi beharko dizkio, bai eta jardueraren burutzapena zein erakunderekin hitzartuko duen ere.

4. Enpresak sustatzeko eta ekonomia garatzeko zuzendari nagusiak ebazpen baten bidez ebartziko du eskabide hori, bi (2) hilabeteko epearen barruan. Epe hori amaitutakoan ebazpen adierazirik eman ez bada, eskabidea ezetsizat joko da.

**31. artikulua.— Gastua kontratatzeke arauak**

Erakunde onuradunak obra-kontratueta egiteko 40.000 euroko gastua baino handiagoa egin behar badu, edota hornidura-kontratueta edo zerbitzu-kontratueta 15.000 euroko gastua baino handiagoa egin behar badu, zerbitzua emateko edo ondasuna entregatzeko konpromisoa kontratatu aurretik, erakunde horrek gutxienez hiru hornitzailearen eskaintzak eskatu izana justifikatu beharko du. Baldintza hori ez da bete beharrik izango diruz laguntzeko gastuen ezaugarri bereziak direla-eta merkatuan ondasuna hornitzeko edo zerbitzua emateko nahikoa erakunde ez dagoenean, edota gastu hori diru-laguntza eskatu aurretik egin denean.

Emakumeen eta Gizonen berdintasunerako otsailaren 18ko 4/2005 Legean xedatutakoaren arabera, kontratazen diren jardueretan, honako hauek bete behar dituzte: lege horretan ezarritako printzipio orokorrak errespetatu behar dituzte erakundeek, beren lanaren barruko estatistikak genero ikuspuntuaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkaritza orekatua bermatu behar dute eratzten diren batzordeetan eta lan taldeetan.

**32. artikulua.— Ebazpena aldatzea**

1. Erakunde onuradunak Enpresak Sustatzeko Zerbitzuari jakinarazi behar dio diru-laguntza emateko orduan kontuan hartu den edozein alderdi objektibo edo subjektibok aldaketarik izan badu.



2. Diru-laguntza ematen duen organoak diru-laguntza emateari buruzko ebazpena alda dezake, bere kabuz, interesdunari entzun eta gero eta funtsak erabili aurretik, diru-laguntza emateko kontuan hartu diren baldintzak aldatzearen ondorioz lortu nahi zen interes publikoa lortzea oztopatu edo eragozten denean eta erakunde onuradunari kalte ekonomikorik ekartzen ez dionean.

3. Erakunde onuradunek, diruz lagundutako jarduera egiteko epea amaitu baino lehen, Bizkaiko Foru Aldundiari eskatu ahal izango diote diruz lagundutako jardueraren ebazpenean aldaketa batzuk egin ahal izateko, hain zuzen, hauek: ezarritako epeak luzatzea, emandako zenbatekoa murriztea edo jarduera osatzen duten ekintzak aldatzea. Organo eskudunak baimenduko ditu aldaketok ustekabeko arrazoietan edo jarduketaren xedearen onerako beharrezko arrazoietan oinarrituta daudenean, eta betiere diru-laguntzaren xedea edo helburua aldatzen ez bada eta beste inoren eskubideen kalterako ez bada. Nolanahi ere, beren beregiko ebazpenaren bidez egin beharko da.

4. Diru-laguntzaren erakunde onuradunak aurkeztutako justifikazioan adierazten badu ebazpena aldatzea eragin zezaketen aldaketak egon direla diru-laguntza emateko orduan kontuan hartutako baldintzetan (eta ez bada egin aldaketak onartzeko aurretiazko administrazio-baimenaren izapidea), diru-laguntza eman duen organoak aurkeztutako justifikazioa onartu ahal du; hala ere, horrek ez du salbuesten pertsona edo erakunde onuraduna maiatzaren 31ko 5/2005 Foru Arauaren arabera izan ditzakeen zehapenetatik.

### **33. artikulua.— Justifikazioa egiteko epea.**

1. Burututako gastuen dokumentazioa eta dagozkien fakturak eta ordainketa-agiak aurkezteko azken eguna 2021eko urtarrilaren 31 izango da.

2. Justifikazioa ez bada ezarritako epean aurkezten, diru-laguntza itzultzeko eskatuko da, eta maiatzaren 31ko 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emandako diru-laguntzen araubide juridiko orokorra.

### **34. artikulua.— Diru-laguntzak justifikatzeko era**

Diru-laguntzak 8. artikuluan ezartzen duenaren arabera justifikatuko dira.

## V. TITULUA

### DIRU-LAGUNTZAK ITZULTZEA ETA ARAU-HAUSTE ADMINISTRATIBOAK

#### I. KAPITULUA

#### DIRU-LAGUNTZAK ITZULTZEA

### **35. artikulua.— Ez-betetzeak**

Honako kasu hauetan, baldintzak ez direla bete ulertuko da: laguntzak jaso dituzten onuradunek dekretu honetan, diru-laguntza emateko ebazpenean edo aplikatu beharrezko gainerako arautegian ezarritako baldintzetako bat betetzen ez dutenean, bai eta Foru Administrazioak ematen dituen diru-laguntzen araubide juridiko orokorra ezartzen duen maiatzaren 31ko 5/2005 Foru Arauaren 33. artikuluan ezartzen diren kasuetan ere.

### **36. artikulua.— Diru-laguntza erakunde onuradunak bere ekimenez itzultzea**

1. Borondatezko itzulketa da onuradunak berak, Administrazioaren inolako errekerimendurik gabe, egiten duena.

2. Borondatezko itzulketa egiten denean, Administrazioak dagozkion berandutze-interesak kalkulatu ditu, maiatzaren 31ko 5/2005 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.

3. Foru diru-laguntza onuradunak berak itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar du; gutun hori Ekonomi eta Lurralde Garapena Sustatzeko Sailean eskuratu ahal izango da (Orueta Apezpikua kalea, 6, 48009-Bilbao).

**37. artikulua.— Ez-betetzeak mailakatzeko irizpideak**

1. Aldi berean beste laguntza batzuk jasotzearen ondorioz gehiegizko finantziarioa gertatzen bada —maiatzaren 31ko 5/2005 Foru Arauaren 18.3. artikuluan jasotako kasua—, behar denaren gainetik jasotako kopurua itzuliko da (kopuru horri dagokion berandutze-interesa ezarriko zaio).

2. Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziario publikoan sortutako soberakina.

3. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Beaz, S.A.U., sozietateari badagokio funtsak banatzea eta justifikatutako gastua aurrekontu gastua baino txikiagoa izateagatik itzultzeko espediente bat ebatzi bada, ebazpen hori erakunde onuradunari eta erakunde laguntzaileari jakinaraziko zaie, azken erakunde horrek geratutako funtsak itzul ditzan. Kasu horretan, ez da interesik aplikatuko.

35. artikulua delako kasuetan, erakunde onuradunak, hala badagokio, jaso dituen baina justifikatu ez dituen kopuruak eta haiei dagozkion berandutze-interesak itzuli beharko ditu.

4. Administrazioak eginiko egiaztapen edo finantza-kontrol baten ondorioz ikusten bada, eginiko gastuetako batzuk edo guztiak ordaindu gabe daudela, diru-laguntza jaso ondoren, eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketan egotzitako gastu guztietatik ordaindu gabeko gastuek osatzen duten proportzioaren arabera izango da diru-laguntzaren itzulketa.

**II. KAPITULUA****ARAU-HAUSTE ADMINISTRATIBOAK DIRU-LAGUNTZEN ARLOAN****38. artikulua.— Zehapen-prozedura**

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. Tituluan ezarritakoa bete beharko da.

Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legeak xedatutako zehapen-prozedura aplikatuko da. Hala-ber, Administrazio Publikoen Administrazio Prozedura Erkideari buruzko urriaren 1eko 39/2015 Legean eta Sektore Publikoaren Araubide Juridikoarena urriaren 1eko 40/2015 Legean ezarritakoa ere ezarri beharko da.

**AZKEN XEDAPENAK****Amaierako Lehen Xedapena.— Arauen garapena**

Ekonomi eta lurralde garapena sustatzeko foru diputatuari ahalmena ematen zaio dekretu hau garatzeko beharrezkotzat jotzen dituen xedapen guztiak emateko, bai eta aurrekontuko diru-baliabideak amaitu ezean deialdi berriak egiteko ere.

**Amaierako Bigarren Xedapena.— Aurrekontuko diru-hornidura**

Deialdi honetan eman daitezkeen diru-laguntzak beheko aurrekontuko partida eta diru-horniduren kontura emango dira. Guztira, zazpiehun eta berrogeita hamar mila euro (750.000 euro) dira, gutxi gorabehera, baina, kopuru hori alda daiteke, aurrekontuen arloan indarrean dagoen araudiaren arabera.



Proiektu zk.: 2012/0012	
443.00/426.106/08/03	
Ekitaldia	Zenbatekoa (€)
2019	249.663
2020	250.337
GUZTIRA	500.000

Proiektu zk.: 2012/0012	
451.00/426.106/08/03	
Ekitaldia	Zenbatekoa (€)
2019	124.907
2020	125.093
GUZTIRA	250.000

Aurrekontuei buruzko abenduaren 29ko 5/2006 Foru Arauaren testuategina onesten duen abenduaren 3ko 5/2013 Foru Dekretu Arauemailearen 56. artikuluan xedatutakoaren arabera, foru dekretu hau aurretik izapidetzen da. Ondorioz, diru-laguntzak emateko beharrezkoa izango da kreditu egokia eta nahikoa egotea eskabideak ebazten direnean.

Aurrekontuetako partidari esleitutako kopuruak gutxi gorabeherakoak dira. Onartzen diren eskabideen arabera —diruz lagundutako gastuen kontzeptuak askotarikoak izan daitezke—, aurrekontuko partidei esleitutako baliabide ekonomikoak aurrekontuko kapitulu bereko beste partiden artean egokitu ahal izango dira, eta horretarako ez da beharrezkoa izango dekretu hau aldatzea.

Horrez gainera, eskabide guztiak ebatzi ondoren aurrekontuaren gehieneko mugara heltzen ez bada, sobera geratutako zenbatekoa gastatzeko baimena ezeztatu egingo da, eta horretarako ez da beharrezkoa izango dekretu hau aldatzea.

Bizkaiko Foru Aldundiaren maiatzaren 31ko 5/2005 Foru Araua garatzeko diru-laguntzen erregelamendua onesten duen Bizkaiko Foru Aldundiaren martxoaren 23ko 34/2010 Foru Dekretuaren 41.2. artikuluan ezarritakoaren arabera, eskabideak aurkezteko epea amaitu baino lehen aldatu ahal izango dira aurrekontu-kredituak, Gobernu Kontseiluak onetsitako foru dekretu baten bidez, kontuan izanda zein den, aurreikuspenen arabera, eskatutako diru-laguntzen zenbateko osoa. Hala eginez gero, eskabideak aurkezteko epea luzatu beharko da.

Halaber, Bizkaiko Foru Aldundiaren martxoaren 23ko 34/2010 Foru Dekretuko 43. artikulua babespean (5/2005 Foru Araua garatzeko diru-laguntzen erregelamendua onesten du dekretu horrek), aurrekontuko zuzkiduren gutzizko zenbatekoa areagotu ahal izango da, gehienez ere 400.000,00 euro gehituz, baldin eta eskuragarri dauden kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako; kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori diru-laguntza emateko ebazpena eman aurretik egin beharko da. Organo eskudunak baimenduko du kopuru hori zabaltzea.

#### **Amaierako Hirugarren Xedapena.— Indarrean sartzea**

Bizkaiko Aldizkari Ofizialean argitaratu eta hurrengo egunean jarriko da indarrean foru dekretu hau.

Bilbon, 2018ko abenduaren 26an.

Ekonomi eta Lurralde Garapena  
Sustatzeko foru diputatua,  
IMANOL PRADALES GIL